

Bájkkeavijssa NuorttaSálto



Tæksta: Kitty Skapalen
Járggálibme: Divte Media AS / Ingrid Kintel

Anne Kalstad Mikkelsen ónsker at at lavvoen brukes tradisjonelt, hvor felleskapet rundt bålet er det sentrale.

letjas tjubugijn ájttegijt guddnet

■ - Risstin-tjubugijn sidáv guddnedit sáme nissunav. Jali tjielggasappot javladum, sidáv nissunvuodav ja sámevuodav guddnedit.

Dav subtsas Anne Kalstad Mikkelsen, guhtimusj le ávddánahttemin tjubugav muoras sáemmi adnosuorgen gá dábalasj lávdagáidjn. Dálá barggá dahkamijn guovte slája tjubugis, mij galggá tsieggiduvvat buojkulvissan Rádjebálkkán Gievsvierda ja Rijttjema gaskan.



- Munji le Risstin-tjubuk sierralágásj prosjektta. Ávvusav; tsieggidahttijjn ja gá tjáhkudaláv sisbielen. Munji sjaddá ássej náv; Risstin-tjubugijn lahanav allasim, dagáduvvá sadje ietjam sámevuohatj ja nissunvuohatj, javllá Kalstad. Sunji Risstin-tjubuk gávvit iellemárvov. - Tjáhkanaddat dálá birra ja aktijvuohat ednamijn láhtjá dilev aktijvuohatj ja lahkavuohatj. Jus Stoltenberg lij tjáhkanimijjt ásadit Risstin-tjubugin gá ietjá stáhtaovje guossidin, de jáhkáv ságastallama ja márrádusá lidjin rievddaduvvat, májut sán. Ithap Oslo le ilá guhken ierit Risstin-tjubugij, valla gák Anne javllá:

-Dáhkki má álgget Nuortta Sálton. Muv mielas bierrijma divna adnet Risstintjubugav gánná ráfev gávnnat.

letjas ájttegijt guddnet

Tjubuga li oadtjum namáv Risstin, ja sivva le dasi.

- Sidáv guddnedit máttijjt Risstiniijjt ietjam fuolken. Akta dajs le Risstin Suoner, muv máttar-máttaráhkko áhtje bielen. Sán lij áelloniehkke Oarjjevuoldán. Sáemmi jage gá áello njirrá slædojt vuolus, jábmá aj boaddnjes. Sán báhtsá gáktsa mánáj, valla huomana anet fámiljas tjoahken ja divna viessu ja máná bajássjaddi. Sán

jáhtá mañenagi Stájgguj ja Háberij ietjas mánáj, gudi li boahhtsuæládusájn joarkkám. Gá mán gástaduvvin ij lim dábalasj sáme namájt adnet, da dárojuhteduvvin. Risstin rievdaduváj Kristiniij. Ja mán oadtjum namáv Anne Kristin. Gá nuorra lidjiv, hálijdiv málsot Kristin namáv Risstiniij, valla ittjiv goassak dav dagá. Dálá lev juokkirak láhkáj válldám namáv ruoptus Risstintjubuga baktu.

Suv mielas sáme symbávlá ja arkitektuvrra vádnun Nuortta Sálton. - Svieriga bielen li smidá sámevuodav vuoñnusij buktet, ja sáme biggimmáhtudagáv bisodit. Jáhkáv luluj midjij gievrrudahkan jus árvov vattijma sámevuohatj ietjamij bájkijn.

Muorratjubuk dálke milta

Dábálattjat le tjubuk dagádum soahkedáhkágijs ja lávda tekstijlas. Valla Anne Kalstad Mikkelsen diehtá iesj gáktu dálvve máhtá málsot tjoasskemis rássjuj, ja gáktu dábalasj lávdagohte ruvva bæjssan dakkir dálken.

- Moaddása li grillgáidj ja segajt áttjudam. Dáhkki má diedon dat, valla mán berustav árbbedábálasj máhtudagáv ja bájkálasj ressursajs bisodimes. Dajna

duogátjijn álgadiv Risstin-tjubugav, mij le bietses dagádum. Hásstalus le læhkám dahkat árbbedábálasj lávdagoade muodugav, gánná dálá birra tjáhkanip. De vierti tjoavddusav gávnnat gáktu suovva álgus bæssá, sáemmi báttá gá rássjo ij galga sisi bessat. Iv la állu gærggam, valla de dal lev tjoavddusav láhkanime. STH-ráde le biednigijjt juollodum prosjektatj, ja riek buorre le dat. Ja de iv la má Risstin-tjubugav állu aktu dahkam. Boaddnjám tjáskájt sáhkku, ja ietjam mága li ájnas máhtudagáv buktám.

Hadde ja rávvin:

Da gudi sihti dákkir tjubugav áttjudit vierttiji dal ájn vuodatjit, danen gá le ávddánahttema vuolen.

- Muhtema li juo diñngum. Divtasvuona suohkan le avtav Rádjebálggáj diñngum, ja Divtasvuona ASVO aj. Sij sihti avtav Risstin-tjubugav mij galggá rabáduvvat moarmesmano 28. biejeve, gá viddnudagán le rabás biejeve. Árrana mánájgárdde le aj mujna sjehtadime, subtsas Mikkelsen.

- Ja makkir hadde le?

Tjubuk le ávddánahttema vuolen, ja hadde le tjanádum makkir tjoavddusav gávnnav riehpenrájggáj.